



Broj: 01-interno/20-27
Ilidža, 20.05.2020.godine

- OPĆINSKI NAČELNIK

PREDMET: Dostava Prijedloga Odluke o izmjeni Poslovnika o radu Općinskog vijeća

U skladu sa članom 69. stav (4) Poslovnika o radu Općinskog vijeća Ilidža ("Službene novine Kantona Sarajevo", broj:36/10) u prilogu Vam dostavljamo Prijedloga Odluke o izmjeni Poslovnika o radu Općinskog vijeća na prijedlog Kluba vijećnika SDP i samostalnog vijećnika Nedžada Tinjaka (koji je Općinskom vijeću dostavljen putem e-maila) radi davanja mišljenja.

PRILOG: Kao u tekstu

S poštovanjem,



DOSTAVLJENO:

1. Naslovu
2. Kolegij Općinskog vijeća
3. Evidencija
4. a/a



01 7266

Klub vijećnika SDP

18-05-2020

Samostalni vijećnik Nedžad TINJAK

Kolegij Općinskog vijeća Ilidža

- Kolegij Općinskog vijeća Ilidža

Predmet : Zahtjev za uvrštavanjem u dnevni red sjednice

U skladu sa odredbama člana 40. Poslovnikom o radu Općinskog vijeća Ilidža, dostavljamo zahtjev za uvrštavanjem u dnevni red sjednice Općinskog vijeća Ilidža:

1. Prijedlog Odluke o izmjeni Poslovnika o radu Općinskog vijeća Ilidža.

U Poslovniku o radu Općinskog vijeća Ilidža članu 21. Stav 1. briše se interpukcijski znak tačka „ . „ i dodaje interpukcijski znak zarez „ , „ te dodaju riječi „ bez prava glasa “.

O b r a z l o ž e n j e

Zakonski osnov za donošenje Odluke:

Član 28. Statuta općine kojim je propisano u alineji drugoj da „Općinsko vijeće donosi odluke, druge propise i općine akte i daje njihovo tumačenje.“

Član 66. Poslovnika o radu Općinskog vijeća Ilidža kojim je propisano:

(1) Vijeće donosi Statut, odluke, budžet, završni račun, izvještaj o izvršenju budžeta, Poslovnik o radu Vijeća, godišnji program rada Vijeća, strategije, provedbeno-plansku dokumentaciju, rješenja, programe, preporuke, smjernice, deklaracije, rezolucije, zaključke (u daljem tekstu: akti Vijeća) i daje autetična tumačenja propisa koje Vijeće u okviru svoje nadležnosti donosi.

(2) Kad Vijeće vrši izmjene ili dopune akata, akti se mijenjaju ili dopunjuju odlukom, a zaključak se mijenja ili dopunjuje zaključkom.

Razlozi donošenja

Članom 21. Poslovnika o radu Općinskog vijeća Ilidža Kolegij Vijeća (u daljem tekstu: Kolegij) čine predsjedavajući i zamjenik predsjedavajućeg Vijeća, predsjednici klubova vijećnika i sekretar Vijeća.

Kako su članovi Kolegija Vijeća izabrani dužnosnici, a sekretar Vijeća se postavlja u skladu sa Zakonom o državnoj službi u Federaciji Bosne i Hercegovine, smatramo da je članstvo sekretara u Kolegiju sa pravom glasa u suprotnosti sa Zakonom o državnoj službi u Federaciji Bosne i Hercegovine.

Shodno navedenom i dalje bi sekretar Vijeća bio član Kolegija, učestvovao u radu Kolegija, ali bez prava odlučivanja. Sekretar bi i dalje pomagao predsjedavajućem Vijeća u pripremanju sjednica Vijeća i organizaciji rada Vijeća, Kolegija i radnih tijela Vijeća i obavlja stručne i druge poslove za potrebe Vijeća i njegovih radnih tijela.

Također dole je navedena praksa Skupštini KS i ostalih Općinskih vijeća u Kantonu Sarajevo, (Stari Grad, Novi Grad , Ilijaš, Hadžići itd), a u vezi članstva i načina rada sekretara u Kolegiju :

POSLOVNIK OPĆINSKOG VIJEĆA STARI GRAD SARAJEVO /PREČIŠĆENI TEKST/ Objavljen u ("Službene novine Kantona Sarajevo", broj 49/17)

IV KOLEGIJ OPĆINSKOG VIJEĆA

Član 22.

(1) Kolegij Općinskog vijeća (u daljem tekstu: Kolegij) čine:

- predsjedavajući Općinskog vijeća
- zamjenici predsjedavajućeg Općinskog vijeća i
- predsjednici Klubova vijećnika.

(2) U radu Kolegija učestvuje sekretar Općinskog vijeća, bez prava odlučivanja.

POSLOVNIK O RADU OPĆINSKOG VIJEĆA NOVI GRAD SARAJEVO („Službene novine Kantona Sarajevo“ br. 40/13 i 10/15)

6. Kolegij Općinskog vijeća

Član 32.

(1) U cilju unapređenja efikasnosti u radu, Općinsko vijeće uspostavlja Kolegij Općinskog vijeća (u daljnjem tekstu: Kolegij).

(2) Kolegij čine predsjedavajući i zamjenik, odnosno zamjenici predsjedavajućeg Općinskog vijeća, i predsjednici klubova vijećnika, odnosno vijećničkih grupa.

(3) U radu Kolegija sudjeluje sekretar Općinskog vijeća, bez prava odlučivanja.

POSLOVNIK OPĆINSKOG VIJEĆA ILIJAŠ

4. Kolegij Općinskog vijeća

Član 31.

Kolegij Općinskog vijeća (u daljem tekstu:Kolegij) čine po funkciji predsjedavajući i zamjenik predsjedavajućeg, kao i predsjednici klubova vijećnika koje čine najmanje tri vijećnik.Sjednicama Kolegija po pozivu predsjedavajućeg mogu prisustvovati općinski načelnik ili licekoje on ovlasti, nezavisni vijećnici, samostalni vijećnici i vijećnici stranaka koje imaju po jednogvijećnika, te druge osobe koje pozove predsjedavajući Općinskog vijeća.

Sjednicama Kolegija obavezno prisustvuje sekretar Općinskog vijeća. Predsjedavajući Općinskog vijeća ili lce koje ga mijenja dužan je blagovremeno obavijestiti osobe iz stava 2. ovog člana o održavanju sjednice Kolegija.

Skupština KS je donijela Odluku o izmjeni Poslovnika skupštine KS na 21 .radnoj sjednici Skupštine dana 25.02.2020.godine, a na inicijativu poslanika Zvonka Marića.

<https://skupstina.ks.gov.ba/prijedlog-odluke-o-izmjeni-poslovnika-skupstine-kantona-sarajevo>

(Prijedlog)

Broj:

Ilidža,

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06, 51/09), člana 28. alineja treća Statuta Općine Ilidža – prečišćeni tekst ("Službene novine Kantona Sarajevo", broj 33/10), člana 66. Poslovnika o radu Općinskog vijeća Ilidža, Općinsko vijeće Ilidža na _____redovnoj sjednici održanoj _____. godine, donijelo je:

Odluku o izmjeni Poslovnika o radu Općinskog vijeća Ilidža

Član 1.

(Dopuna člana 21.)

mjenja se i glasi :

„ Kolegij Vijeća (u daljem tekstu: Kolegij) čine predsjedavajući i zamjenik predsjedavajućeg Vijeća, predsjednici klubova vijećnika i sekretar Vijeća , bez prava glasa.“

Član 9.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

PREDSJEDAVAJUĆI

Muhamed Omerović